

Мемлекеттік емес өртке қарсы қызметтердің қызметін жүзеге асыру қағидаларын бекіту туралы

Күшін жойған

Қазақстан Республикасы Үкіметінің 2014 жылғы 31 шілдедегі № 862 қаулысы. Күші жойылды - Қазақстан Республикасы Үкіметінің 2015 жылғы 18 маусымдағы № 457 қаулысымен

Ескерту. Күші жойылды - ҚР Үкіметінің 18.06.2015 № 457 (алғашқы ресми жарияланған күнінен бастап қолданысқа енгізіледі) қаулысымен.

«Азаматтық қорғау туралы» 2014 жылғы 11 сәуірдегі Қазақстан Республикасының Заңы 11-бабының 20) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Мемлекеттік емес өртке қарсы қызметтердің қызметін жүзеге асыру қағидалары бекітілсін.

2. Мыналардың күші жойылды деп танылсын:

1) «Мемлекеттік емес өртке қарсы қызметтердің жұмысын жүзеге асыру ережесін бекіту туралы» Қазақстан Республикасы Үкіметінің 2008 жылғы 15 қазандағы № 949 қаулысы (Қазақстан Республикасының ПҰАЖ-ы, 2008 ж., № 40 4 4 9 - қ ұ ж а т) ;

2) «Қазақстан Республикасы Үкіметінің кейбір шешімдеріне өзгерістер енгізу туралы» Қазақстан Республикасы Үкіметінің 2012 жылғы 7 желтоқсандағы № 1567 қаулысымен бекітілген Қазақстан Республикасы Үкіметінің кейбір шешімдеріне енгізілетін өзгерістердің 2-тармағы (Қазақстан Республикасының ПҰАЖ-ы, 2013 ж., № 3, 49-құжат).

3. Осы қаулы алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының
Премьер-Министрі *К. Мәсімов*
Қ а з а қ с т а н Р е с п у б л и к а с ы

Ү к і м е т і н і ң
2 0 1 4 ж ы л ғ ы 3 1 ш і л д е д е г і
№ 8 6 2 қ а у л ы с ы м е н

бекітілген

**Мемлекеттік емес өртке қарсы қызметтердің
қызметін жүзеге асыру қағидалары**

1. Жалпы ережелер

1. Осы Мемлекеттік емес өртке қарсы қызметтердің қызметін жүзеге асыру қағидалары (бұдан әрі – Қағидалар) «Азаматтық қорғау туралы» 2014 жылғы 11 сәуірдегі Қазақстан Республикасының Заңы 11-бабының 20) тармақшасына сәйкес әзірленді және Қазақстан Республикасының аумағында мемлекеттік емес өртке қарсы қызметтердің қызметін жүзеге асыру тәртібін белгілейді.

2. Мемлекеттік емес өртке қарсы қызметтің негізгі міндеттері:

1) ұйымдарда, елді мекендерде және объектілерде өрттердің алдын алу және с ө н д і р у ;

2) ұйымдарда, елді мекендерде және объектілерде авариялық-құтқару жұмыстарын жүргізу болып табылады.

3. Ұйымдардың, елді мекендердің және объектілердің (бұдан әрі – объект) өрт қауіпсіздігі мемлекеттік емес өртке қарсы қызмет құру немесе жұмыс істеп тұрған мемлекеттік емес өртке қарсы қызметтермен қызмет көрсетуге арналған шарттар жасасу арқылы қамтамасыз етіледі.

4. Негізгі міндеттеріне сәйкес мемлекеттік емес өртке қарсы қызмет жолға шығатын техникасы бар және жолға шығатын техникасы жоқ болып құрылады:

1) жолға шығатын техникасы бар – қарамағында негізгі және арнайы өрт сөндіру автомобильдері бар өрт сөндіру бөлімдері;

2) жолға шығатын техникасы жоқ – қызметкерлері өрттердің алдын алу (профилактика) бойынша жұмысты жүзеге асыратын және өрттерді алғашқы өршу сатысында өрт сөндірудің стационарлық, ұтқыр немесе қолмен басқарылатын құралдарын пайдалана отырып, сөндіруге қатысатын өрт сөндіру б е к е т т е р і .

Теңізде мұнай операцияларын жүргізу үшін стационарлық теңіз құрылыстарында жолға шығатын техника ретінде өрт сөндіру немесе өрт сөндіруге бейімделген кемелер көзделеді.

5. Мемлекеттік емес өртке қарсы қызметке жұмысқа он сегіз жасқа толған және мемлекеттік емес өртке қарсы қызметтердің мамандарын даярлау, қайта даярлау және олардың біліктілігін арттыру жөніндегі өрт қауіпсіздігі саласындағы мамандандырылған оқу орталықтарында арнайы даярлық бойынша оқу курсынан өткен Қазақстан Республикасының азаматтары қабылданады.

6. Мемлекеттік емес өртке қарсы қызметтің өртпен күресуге әзірлігін бақылауды және өртке қарсы қызметтердің қызметін үйлестіруді азаматтық қорғау саласындағы уәкілетті орган жүзеге асырады.

2. Мемлекеттік емес өртке қарсы қызметтің қызметін ұйымдастыру тәртібі

7. Мемлекеттік емес өртке қарсы қызметтің қызметін ұйымдастыру тәртібін осы Қағидаларға сәйкес объектілердің басшылары айқындайды.

8. Мемлекеттік емес өртке қарсы қызмет өз қызметін объектілерде өрттердің алдын алу және сөндіру, өрт қауіпсіздігін қамтамасыз ету және авариялық-құтқару жұмыстарын жүргізу бойынша жұмыстарды жүргізуге құқығы бар аттестат болған жағдайда жүзеге асырады.

9. Мемлекеттік емес өртке қарсы бір қызметтің оны ұстауға үлестік қатысатын және «Өнеркәсіптік кәсіпорындардың бас жоспарлары» II-89-80* ҚНЖЕ талаптарына сәйкес мемлекеттік емес өртке қарсы қызметтің нормативтік шығу радиусындағы бірнеше объектіге қызмет көрсетуіне болады.

10. Мемлекеттік емес өртке қарсы қызметтің қызметін ұйымдастыруды регламенттейтін құжаттар осы Қағидаларға 1-қосымшада келтірілген мемлекеттік емес өртке қарсы қызмет құжаттарының тізбесіне сәйкес қ а л ы п т а с т ы р ы л а д ы .

11. Мемлекеттік емес өртке қарсы қызмет тұрақты (тәулік бойы) дайындықта б о л а д ы .

12. Есептоптың командирі басқаратын өрт сөндіру автомобиліндегі есептоп жолға шығатын техникасы бар мемлекеттік емес өртке қарсы қызметтің өрт сөндіру бөлімдерінің негізгі бірлігі болып табылады. Өрт сөндіру бөлімінде екі және одан астам өрт сөндіру автомобилі болған кезде карауылдардың бастықтары (ауысымдардың басшылары) басқаратын карауылдар құрылады.

13. Жолға шығатын техникасы бар өрт сөндіру бөлімдерінде өрттердің алдын алу жұмыстарын жүзеге асыру үшін объект басшысының шешімімен нұсқаушылары бар өрт профилактикасы топтары құрылады.

14. Жолға шығатын техникасы жоқ мемлекеттік емес өртке қарсы қызмет құрылған объектілерді өрттерден күзетуді нұсқаушы-өрт сөндірушілер (кезекші ауысымда кемінде 2 штаттық қызметкер) жүзеге асырады.

15. Объект басшысының шешімімен мемлекеттік емес өртке қарсы қызметтің өрт сөндіру бөлімдері мен бекеттерінде күштерді, құралдарды жедел басқаруды ұйымдастыру және мемлекеттік өртке қарсы қызмет бөлімшелерімен өзара і с - қ и м ы л ж а с а у ү ш і н :

1) өрт, авария туралы хабарламаларды қабылдауды;
2) шақыру орнына өрт сөндіру автомобильдеріндегі есептоптарды жіберуді;
3) өкімдер беруді, өрт орнынан ақпарат алуды және өрт сөндіруге тартылатын бөлімшелермен өзара іс-қимыл жасауды қамтамасыз ететін ұйым немесе объекті басшысының шешімімен байланыс пункттері құрылады.

Өрт сөндіру бөлімінің (бекетінің) байланыс пункті мемлекеттік өртке қарсы қызметтің жақын орналасқан бөлімшесінің байланыс пунктімен байланыс арнасымен қ а м т а м а с ы з е ті л е ді .

16. Өрт сөндіру автомобильдері ұтқыр радиостанциялармен қамтамасыз етіледі. Тасымалданатын байланыс құралдарымен, сондай-ақ өрт сөндіру басшысы, кезекшілікті жүзеге асыратын және жұмыс жағдайы бойынша өрт сөндіру бөлімі мен бекеті тұрақты орналасқан жерден тыс жерлердегі қызметкерлер қамтамасыз етіледі.

17. Өрт сөндіру бөлімдерінде және бекеттерінде демалуға қолайсыз ортада жұмыс істеу мүмкіндігі үшін объект басшысының шешімімен газ-түтіннен қорғау қызметі құрылады.

18. Өрт сөндіру деполарының саны мен оларды объектінің аумағында орналастыру «Өнеркәсіптік кәсіпорындардың бас жоспарлары» II-89-80*ҚНЖЕ талаптарына сәйкес айқындалады.

19. Мемлекеттік емес өртке қарсы қызмет үшін негізгі өрт сөндіру автомобильдерінің саны осы Қағидаларға 2-қосымшаға сәйкес айқындалады. Объектілер мемлекеттік емес өртке қарсы қызметтің құрамында үлестік қатысқанда негізгі өрт сөндіру автомобильдерінің саны ең көп су шығынын қажет ететін объект үшін айқындалады.

20. Объектілерде өрттерді сөндіру үшін қажетті негізгі өрт сөндіру автомобильдерін жөндеу және/немесе техникалық қызмет көрсету кезінде тасымалданатын немесе жылжымалы өрт сөндіру мотопомпалары көзделеді.

21. Мемлекеттік емес өртке қарсы қызмет үшін арнайы өрт сөндіру автомобильдерінің санын объект басшысы олардың ерекшеліктерін ескере отырып айқындайды.

22. Өрт сөндіру автомобильдері Қазақстан Республикасы Үкіметінің 2009 жылғы 16 қаңтардағы № 16 қаулысымен бекітілген «Объектілерді қорғауға арналған өрт техникасының қауіпсіздігіне қойылатын талаптар» техникалық регламентінің талаптарына сәйкес орналастырылады және пайдаланылады.

23. Объектідегі кезекшілік ауысымдағы мемлекеттік емес өртке қарсы қызмет қызметкерлерінің саны өрт сөндіру автомобиліндегі есептоптардың санына көбейтілген өрт сөндіру автомобильдерінің санымен анықталады.

24. Мемлекеттік емес өртке қарсы қызмет қызметкерлерінің жалпы саны Қазақстан Республикасының еңбек заңнамасына сәйкес олардың жұмыс ауысымын және жұмыс уақытының ұзақтығын ескере отырып анықталады.

25. Мемлекеттік емес өртке қарсы қызмет қызметкерлерінің жалпы саны объект қызметкерлерінің бекітілген штат санына тең немесе 50 % артық болғанда есептоптың лауазымдарын өртке қарсы ерікті құралымдар құрамына кіретін объектінің штаттық қызметкерлері есебінен ауыстыруға болады.

26. Мемлекеттік емес өртке қарсы қызметте объектінің өндірістік сипатын ескере отырып, теориялық және практикалық сабақтарды қосып, қызметкерлерді жыл сайын арнайы даярлауды ұйымдастыру көзделеді.

27. Мемлекеттік емес өртке қарсы қызмет қызметкерлері мемлекеттік өртке қарсы қызмет органдары үшін белгіленген нормалар бойынша арнайы киім-кешекпен және өртке қарсы жарақтармен қамтамасыз етіледі.

Мемлекеттік емес өртке қарсы қызметтердің қызметін жүзеге асыру қағидаларына

1-қосымша

Мемлекеттік емес өртке қарсы қызмет құжаттарының тізбесі

Р/с №	Құжаттың атауы	Сақтау орны
1	2	3
Қызметті ұйымдастыру бойынша		
1.	Қызмет кітабы	Қарауыл бастығы
2.	Кезекші қарауыл қызметкерлерінің функционалдық міндеттері	Бөлім бастығы, № 1 папка
3.	Бөлімше жарағындағы өрт сөндіру автомобильдеріне арналған есептің табелі	№ 1 папка, стенд
4.	Қарауылдарға қызметкерлерді бекіту туралы бөлім бастығының бұйрығы	Бөлім бастығы, № 1 папка
5.	Қызметкерлердің мекенжайлары мен телефондарының тізбесі	№ 2 папка
6.	Телефон анықтамалығы, ОӨБП (КҚЖБО), бөлімшелердің, гарнизонның лауазымды адамдары радиостанцияларының шақырулары	№ 1, 2 папка
Даярлауды ұйымдастыру бойынша		
7.	Жеке құрамды кәсіптік даярлауды ұйымдастыру және өткізу жөніндегі бұйрық (ағымдағы жылға)	Бөлім бастығы
8.	Өрт сөндіруші, жүргізуші және радиотелефонист лауазымдарына жаңадан қабылданған қызметкерлердің алғашқы даярлықтан өтуі туралы сертификаттар (көшірмелер), олардың тағылымдамадан өтуін ұйымдастыру және оны өткізу құжаттары	Бөлім бастығы
9.	Арнайы даярлықтан және тағыламдамадан өткеннен кейін дербес жұмыс істеуге жіберу туралы бұйрық	Бөлім бастығы
10.	Өрт сөндірушілерді, жүргізушілерді және радиотелефонистерді кезекті даярлау жөніндегі тақырыптық жоспарлар мен сабақтардың кестелері	Бөлім бастығы
11.	Объектілерді жедел тактикалық зерделеудің, өрт-тактикалық сабақтар өткізудің жоспар-кестесі (күндізгі және түнгі уақытта)	№ 1 папка
12.	Жеке құрамды ТҚОЖҚҚ түтін камерасында жаттықтырудың жоспар-кестесі	Бөлім бастығы, № 1 папка
Өрт сөндіруді ұйымдастыру бойынша		
13.	Бөлімшелердің шығу кестесі (үзінді) немесе «Күштер мен құралдарды жұмылдыру жоспары»	Бөлімнің байланыс пункті
14.	Бөлімшелердің орнатылған су көздеріне, өрт шығу, жарылу қаупі бар объектілерге, ҚӘУЗ объектілеріне, адамдар жаппай болатын объектілерге және басқа да маңызды объектілерге шығу ауданының жоспар-картасы	Бөлімнің байланыс пункті
15.	Өзара іс-қимыл жасау, тіршілікті қамтамасыз ету қызметтерінің, ҚР ТЖМ аумақтық бөлімшелерінің телефон анықтамалығы	№ 2 папка
16.	Өзара іс-қимыл жасау, тіршілікті қамтамасыз ету қызметтерімен, ҚР ТЖМ аумақтық бөлімшелерімен өзара іс-қимыл жасау нұсқаулықтары	№ 1, № 2 папка

17.	Өрт сөндірудің жедел жоспарлары мен карточкаларының тізімі	Бөлімнің байланыс пункті, 2 папка
18.	Өрт сөндірудің жедел жоспарлары мен карточкалары	Бөлімнің байланыс пункті
19.	Өрт сөндіру автомобильдерінің өртке шығу жолдамалары	Бөлімнің байланыс пункті
20.	Бөлімнің байланыс пунктінің журналы	Бөлімнің байланыс пункті
21.	Саптық жазба журналы	Бөлімнің байланыс пункті
22.	Кіріс телефонограммаларының журналы	Бөлімнің байланыс пункті
Газ-түтіннен қорғау қызметі бойынша (болған жағдайда)		
23.	Газ-түтіннен қорғаушының жеке карточкасы	Қарауыл бастығы
24.	Газ-түтіннен қорғаушыға ТОЖҚҚ бекіту (қайта бекіту) туралы бұйрық	№ 1 папка
25.	Қызметкерлерді қауіпсіздік бекетінде дербес жұмыс істеуге жіберу туралы бұйрықтан үзінді	№ 1 папка
26.	ГТҚҚ бекетіндегі ГТҚҚ мүлкінің тізімі (жабдық, аспап, маска жарағы, баллондар, регенеративті патрондар, ТОЖҚҚ)	ГТҚҚ бекеті
27.	ГТҚҚ бекетінде жұмыс істеген және ТОЖҚҚ қызмет көрсету кезіндегі қауіпсіздік шаралары туралы нұсқаулық	ГТҚҚ бекеті
28.	ТОЖҚҚ жөндеуге тапсыру туралы акт	ГТҚҚ бекеті (папкада)
29.	ТОЖҚҚ № 1 тексерісті тіркеуді есепке алу журналы	Қарауыл бастығы
30.	ТОЖҚҚ № 2 тексерісті тіркеуді есепке алу журналы	Қарауыл бастығы
31.	ГТҚҚ жұмыс істеуші буындарды есепке алу журналы	Есептоптағы әрбір негізгі автомобильге – 1
Қауіпсіздік техникасы бойынша		
32.	Қауіпсіздік техникасы бойынша нұсқаулық журналы	Бөлім бастығы
Өрт сөндіру техникасы бойынша		
33.	Өрт сөндіру машиналарына жүргізушілер құрамын бекіту туралы бұйрықтан үзінді	№ 1 папка
34.	Өрт сөндіру машиналарына ТҚК кестесі, өрт сөндіру автомобильдеріне ТҚК жүргізудің жоспар-картасы	Бөлім бастығы, № 1 папк стенд
35.	Өрт сөндіру автомобильдерін қабылдау-тапсыру журналы	Қарауыл бастығы
Өрт-техникалық жарақ бойынша		
36.	Өрт-техникалық жаракты сынау журналы	Қарауыл бастығы
37.	Әрбір негізгі және арнайы автомобильге өрт-техникалық жарақ тізімі	Қарауыл бастығы, автокөлі
38.	Диэлектрлік құралдарды сынау актілері	Қарауыл бастығы
Түтіктік шаруашылық бойынша		
39.	Өрт сөндіру түтіктерінің паспорттары	Қарауыл бастығы
40.	Түтіктерді есепке алу журналы	Қарауыл бастығы
41.	Өрт сөндіру түтіктерін соңғы сынау ведомосі	Бөлім бастығы, қарауыл бастығы
Өртке қарсы сумен жабдықтау бойынша		
42.	Гидранттарды және басқа да сумен жабдықтау көздерін тексеру журналы	Қарауыл бастығы
43.	Объектінің су көздерінің анықтамасы мен планшеті	Есептоптағы әрбір негізгі автомобильге

Ескертпе: аббревиатуралардың толық жазылуы:
ҚР ТЖМ – Қазақстан Республикасы Төтенше жағдайлар министрлігі
ОӨББ – орталық өрт сөндіру байланыс пункті
КҚЖБО – күштер мен құралдарды жедел басқару орталығы
ТОЖҚҚ – тыныс алу органдарын жеке қорғау құралы
ҚӘУЗ – қатты әсер ететін улы заттар
ГТҚҚ – газ-түтіннен қорғау қызметі
ТҚК – техникалық қызмет көрсету
Мемлекеттік емес өртке қарсы
қызметтердің қызметін жүзеге
асыру қағидаларына
2-қосымша

Мемлекеттік емес өртке қарсы қызмет бөлімшелері үшін негізгі өрт сөндіру автомобильдерінің санын анықтау тәртібі

1. Мемлекеттік емес өртке қарсы қызмет бөлімшелері үшін негізгі өрт сөндіру автомобильдерінің саны объектінің сыртқы өрт сөндіруге жұмсалатын қажетті су шығынының қол оқпандарымен бір өрт сөндіру автомобилінің есептобы беретін су шығынына қатынасымен (14 л/с) анықталады. Мәні 0,5 артық болғанда алынған мәнді ұлғайту жағына қарай және керісінше, бірақ бір автомобильден кем емес етіп дөңгелектеу қажет.

2. Объектінің сыртқы өрт сөндіруіне жұмсалатын су шығыны «Сумен жабдықтау. Сыртқы желілер мен құрылыстар» 4.01.02-2009 ҚР ҚНЖЕ талаптарына сәйкес объектінің аумағында бір мезгілде болатын өрттердің есептік санын және сыртқы өрт сөндіруге жұмсалатын қажетті су шығынын ескере отырып анықталады.

3. Объектіде бір мезгілде болатын екі өрт кезінде сыртқы өрт сөндіруге жұмсалатын су шығыны ең көп су шығынын қажет ететін екі ғимарат бойынша қабылдануы тиіс.

4. Өндірістік ғимараттар мен құрылыстарда сыртқы өрт сөндіруге, сондай-ақ мұнай мен мұнай өнімдерін сақтауға және тасымалдауға байланысты сыртқы технологиялық қондырғыларына жұмсалатын су шығыны «Мұнай және мұнай өнімдерінің қоймалары. Өртке қарсы нормалар» 2.11.03-93 ҚНЖЕ талаптарына сәйкес қабылданады.

5. Өндірістік ғимараттар мен құрылыстарда, сондай-ақ өрт шығу, жарылу қаупі бар өндірістердің (резервуарлық парктер, сорғымен айдау станцияларының ғимараттары, ағызу-қотару эстакадалары) сыртқы технологиялық қондырғыларда

сыртқы өрт сөндіру автоматты өрт сөндіру жүйелерімен немесе жоғары қысымды су құбырында орнатылған тұрақты лафетті оқпандармен жүзеге асырылған жағдайда, көрсетілген объектілерде жолға шығатын техникадан өрттерді сөндіруге жұмсалатын су шығыны қосалқы өндіріс ғимараты (әкімшілік ғимараттар, гараждар, тұрақтар) үшін, сондай-ақ «Мұнай және мұнай өнімдерінің қоймалары. Өртке қарсы нормалар» 2.11.03-93 ҚНЖЕ 8.6, 8.19-тармақтарында анықталған ғимараттар мен құрылыстарға есептеледі.

6. «Мұнай және мұнай өнімдерінің қоймалары. Өртке қарсы нормалар» 2.11.03-93 ҚНЖЕ 8.6, 8.19-тармақтарында анықталған ғимараттар мен құрылыстарды қоспағанда, қосалқы өндірісте сыртқы өрт сөндіруге жұмсалатын су шығыны ең көп су шығынын қажет ететін ғимараттар (құрылыстар) үшін «Сумен жабдықтау. Сыртқы желілер мен құрылыстар» 4.01.02-2009 ҚР ҚНЖЕ 5.2.6-тармағына сәйкес қабылданады.